

OPERATIONES ALIQVOT
QVIBVS CATARACTAM EXTRAXIT
DESCRIBIT

ET

VIRO ILLVSTRI ET EXCELLENTISSIMO
D. GEORGIO GOTTLOB
RICHTER

AVGVSTISS. MAGN. BRITANN. REGIS CONSILIARIO
AVLICO ET ARCHIATRO PROFESSORI IN ACADEMIA
GEORGIA AVGVSTA MEDICINAE
PRIMARIO

PATRVO SVO VENERANDO
DIEM NATALEM SEPTVAGESIMVM QVINTVM
IV. FEBR. ANN. MDCCLXVIII.

PIA MENTE GRATVLATVR

D. AVGVSTVS GOTTLIEB RICHTER

MEDICINAE IN ACADEMIA GEORGIA AVGVSTA
PROFESSOR PVBLICVS.

GOETTINGAE

EX OFFICINA SCHVLZIANA, CUR. F. A. ROSENBVSCH.

OFFICIALS OF THE

UNITED STATES DEPARTMENT OF AGRICULTURE

WASHINGTON, D. C.

1910

THE FOLLOWING IS A LIST OF THE

PERSONS WHOSE NAMES ARE

ON THE LIST

FOR THE YEAR 1910

AND WHOSE NAMES ARE

ON THE LIST

FOR THE YEAR 1910

AND WHOSE NAMES ARE

ON THE LIST

FOR THE YEAR 1910

AND WHOSE NAMES ARE

ON THE LIST

FOR THE YEAR 1910

AND WHOSE NAMES ARE

ON THE LIST

FOR THE YEAR 1910

AND WHOSE NAMES ARE

ON THE LIST

FOR THE YEAR 1910

AND WHOSE NAMES ARE

VIR ILLVSTRIS, EXCELLENTISSIME,
VENERANDE PATRVE,

Egregia mihi semper visa est, *Vir Illustris*, ea medicinae pars, quae oculorum morbos curat, exoptatissimaque fuit occasio, qua non infrequenti apud externos usus sum, peritiam aliquam in hoc morborum genere, manuumque dexteritatem in eorum curatione acquirendi. Cunque omnem, quam habui, harum rerum cognitione imbuendi animum occasionem, Tuo fauori, Tuaeque liberalitati debeam, primos Tibi offero laborum meorum successus; & quid iustius, quam ut, quae Tua sunt, Tibi offeram. Trium itaque operationum, quibus cataractam extraxi, enarrabo historiam, non quidem solummodo ob satis felicem earum successum, sed eam inprimis ob causam, quod quaedam in illis occurrant, quae instruere imperitos, & adferre aliquid posse ad perficiendam egregiam hanc methodum mihi videntur. Quantum adferant ad artis chirurgicae incrementum peractarum operationum historiae, nemo est, qui ignorat; interim tamen magis saepe imperitos instruit fidelis difficultatum, periculorum, immo sinistri euentus, quibus operationes saepe premuntur, enarratio, quam frequens illa boni successus iactatio, quae nimiana imperitis inspirat audaciam, ut spe successus incalcescentes, manu incauta nec satis instructa operationes suscipiant, plus sperent, quam par est, nesciant quid metuendum sit, quid sinistri accidere possit, & quomodo, si tale quid occurrit, praesens auxilium ferri possit, unde dein tot infelices operationum euentus artis honori non parum obfunt. Metuendum quidem mihi est, ne multa quae parui momenti sunt proferre videar, non tamen talia proferre videbor illis, qui ipsi manum operi admovent, & experiuntur in operatione adeo subtili multa, quae parui momenti esse videntur, plurimum adferre ad felicem illius successum. Ita plerumque in libris describuntur morbi, ut plura scitu valde necessaria, tanquam minutula silentio



praetercantur, magno imperitorum damno, quibus ex libris solummodo doctis experientiaque destitutis plurima dein perpetuo in praxi occurrunt inexpectata, quae animum manumque turbant. Hoc imprimis valet de operatione, qua cataracta extrahitur, quae, quamuis in se egregia sit, incommodis tamen & difficultatibus non caret, de quibus praemonendi sunt imperiti, ne inexpectata superueniant, & vt auxilium in promptu sit. En! igitur tres operationes, quibus, si occasio fert, alio tempore alias adiungam.

Vir vtroque oculo cataracta occaecatus bene ceterum valens adiit me die 2 Octobris rogans, vt operatione visum illi restituerem. Dexter oculus per decem iam annos visu priuatus erat, sinister per annum. Vnae in dextro oculo motus liber erat aequalis, cataractae color illi, quem margaritae habent, simillimus, nisi quod striis fuscis hinc inde distinctus esset. Exhibita 3 Octobr. salis anglicani vncia, die 4. Octobr. operationem institui sequenti modo. Altiori loco insidens ita aegrum collocaui, vt caput illius pectori meo obuersum esset, & ad illud, quantum fieri poterat, appropinquaret, plenaque lux aegro oblique in oculi angulum internum incideret. Sinistro oculo deligato, minister adstans palpebram inferiorem deprimebat, alter pone aegrum collocatus dextra manu superiorem palpebram eleuabat, sinistra mento aegri imposita caput pectori suo apprimens, illud firmabat. Iamque dextra manu *Bamarti* armata hasta *a*), gossypio ita obuoluta, vt cuspis illius vix ultra dimidiam lineam emineret, oculi angulo interno duarum linearum a cornea distantia, & superne tunicae coniunctivae cauta manu infixa, agitationes oculi cohibui. Ita vero imposui oculo instrumentum illud, vt locum, quem tangebatur, non obliqua sed perpendiculari directione tangeret. Sinistra manu cultelli *b*), cupidem corneae in angulo externo ad semilineam a sclerotica iridem versus directam immisi, quae simulatque oculum intraret, retrorsum moto manubrio & auersa cultelli ab iride acie, transiit cameram oculi anteriorem in transuersi pupillae diametri directione.

a) cuius figuram v. in Programmat. meo de variis cataractam extrahendi methodis. Gotting. 1756. Fig. A.

b) v. figuram l. c. Fig. B.

rectione atque in opposito latere e cornea exiit. Remoto tunc *Bamarti* instrumento continuavi sectionem, donec cuspis ad duas lineas e cornea in angulo interno emergeret, & dimidia corneae pars soluta esset. Effluxit tunc humor aqueus atque ita quidem non prius quam sectione finita. Eleuata cornea lentis capsulam sectione aperui acu ancipiti deprimendae cataractae apta, quod quidem facillime fieri potuit, lens enim pupillae ita apprimebatur, vt intumescens iris lentis figuram proderet, quae quasi per pupillam prominebat, oculus insuper immotus erat. Tunc vero lente sensimque dilatabatur pupilla, ita vt cum leuiter oculum digito comprimerem, profiliret lens, & cum illa frustula duo caseosae seu potius pultaceae naturae. Lentis ipsa substantia tam mollis erat, vt per pupillam transiens figuram mutauerit, fuscus illius erat color, in illius vero medio nuleus erat lentiformis, duritiae & colore cornu referens. Cum iam inspecto oculo pupilla clara totaque nigra appareret, oblatamque manum aeger cognosceret, obtegi oculum splenio spiritu vini cum aequali portione aquae mixto madido, & e vena incisa uncias decem sanguinis mitti iussi.

Bene se habuit aeger hoc die, versus noctem vero anxietas & horripilatio levis illum corripuit, qua remittente leuiter incaluit. Primo post operationem die neque dolor neque rubedo in oculo apparuit, & cum clausis etiam palpebris lux viuida molesta esset, raro oculum deligavi. Exhibui salis anglicani eandem dosin ac die 3. Octobr. quae tamen ne semel quidem aluum mouit. Versus vesperam eadem symptomata orta ac antecedente die paullulum tamen vehementiora. Secundo post operationem die nec rubuit oculus nec doluit, apertisque pauxillum palpebris colores cognouit aeger, ego vero vidi corneae vulnusculeum coalitum, cameramque oculi anteriorem aqua iterum tumidam esse. Vfus est per diem aeger potione refrigerante, vesperi clystere. Nova versus noctem horripilatio & anxietas orta vehementior hesternae, quam calor secutus & cum illo dolor oculi insignis. Inueni tertio die coniunctivam oculi tunicam totam rubentem, parum tamen tumidam, vulnusculeum



cultum corneae subalbidum, visumque obscuriorem. Vfus iterum est hoc die sale anglicano aeger, quem versus noctem febricula hesternae leuior innasit. Quarto die cum rubedo & dolor oculi increuisset, nuchae emplastrum vesicatorium impositum est, cuius ope quinto die rubedo & dolor remisit. Atque sic quidem continuauimus vsum vesicatoriorum leniorumque purgantium donec dolor & rubedo ita disparuit, vt tres post operationem hebdomades vulnusculum in cornea vix amplius appareret, nullumque illatae iniuriæ in oculo vestigium remaneret, & cum iam res aegri non ferrent, vt diutius maneret, abito ille pararet. Aperui oculum, & reperi iridem mobilem, pupillamque totam claram nigram, si maculam excipis albidam opacam centro pupillae accurate oppositam, vix tamen minoris aciculae capitulum magnitudine superantem, vnde bene quidem vidit aeger omnia obiecta in loco non nimis lucido, cum vero sol splendore cubiculum nimis impleret, contracta valide pupilla parum immo nil vidit,

Huic statim subiungam binas alias operationes. Vir 40 annorum utroque oculo cataracta laborans, & dextro quidem per quatuor iam annos, sinistro per vnum tantum, die 22 Octobr. operationi se subiecit. Sinistri oculi vix libero motu, cataracta margaritarum colore gaudebat, quam igitur primo extrahi methode superius descripta. Incisa lentis capsula subito prodiit lens integra, vidit aeger, & pura apparuit pupilla, parumper tamen oblonga, vnde sueto more deligavi. Lens extracta albida erat, mollis, pultacea, in medio nucleum habens lentiformem colore obscuriorem opacitate & duritie insigniori. Cum iam dextri etiam oculi cataractam extrahere animus esset, accidit vt cultellus directione nimis obliqua corneae impositus non in cameram anteriorem, sed inter lamellas corneae ad 2 linearum profunditatem penetraret, cumque sub iterato in cameram oculi anteriorem penetrandi molimine elapso humore aqueo cornea subsideret, operationem distuli. Iamque vt vena secaretur post horulam, & balneo tepido versus noctem pedes aeger immitteret suasi. Sequenti die clausis palpebris lumen molestum erat, neque tamen dolor neque febricula apparuit. Aeger clysmate & verius noctem



stem pedum balneo vsus est. Ter oculi splenis liquore descripto frigidiusculo madidis deligati sunt. Die sequenti eadem remedia administrata sunt, vesperi aeger leuiter inhorruit. Die 25 Octobr. palpebris primum pauxillum diductis oculum sano simillimum nec rubentem nec dolentem, corneam aqua distentam, vulnuscolum subalbidum inueni, claudere tamen statim oculum lucis valde impatientem oportebat. In dextro oculo ne vestigium quidem vulnusculi laminas corneae separantis supererat, cornea aqua distenta & totus oculus non omnino inflammatus erat. Sequenti die omnia se habuerunt vti die praecedente.

Cum iam die 27 Octobr. nulla in vtroque oculo inflammatio esset operationem in dextro oculo institui, cuius cataractae color lacteus erat, vbi accidit, vt, cum cultelli cuspis in angulo interno e cornea emergeret, dorsum illius nimis forsan scindens superiorem palpebram leuiter secaret, vnde dolore orto & constrictis palpebris operatio per momentum turbata, & elapso ante absolutam sectionem humore aqueo iris cultelli aciei aliquantum subiecta est, quae tamen peracta sectione laesa non erat. Prodiit lens neque oculo compressio neque capsula incisa, priori simillima, nisi quod per pupillam transiens figuram non mutauerit. Aperto oculo visus aegri turbidus pupilla nubeculosa erat, & immissum in oculum *Danielis* cochlear albedo mucosum plenum retraxi. Repetii hanc operatiunculam ter quater non sine molestia & periculo donec clara appareret pupilla. Deligato hoc oculo alterum inspexi & non omnino inflammatum inueni. Vesperi balneo aeger vsus est. Insignes sequenti nocte dolores aeger passus est in oculo dextro mane tamen euanidos, vnde vulnuscolum in palpebra tribui. Die 28, 29, 30 Octobr. deligatio sueto more instituta, singulis diebus versus vesperam balneo aeger pedes immisit, vnde oculi nec rubebant nec dolebant. Die 30 Octobr. versus vesperam lenis aegrum inuasit febricula, quam die 31 Oct. lenis oculi dolor secutus, vnde primum apertis palpebris coniunctiuam leuiter rubentem & pone pupillam nubeculosam aliquid reperi, quod tamen non impediuit, quin lux apertis palpebris viuidior molesta esset. Deligato hoc oculo sinistrum



strum primum aperui. En! quae reperi: oculus inflammatus non erat nec dolebat, pupilla vero oblonga erat ita, vt margo illius inferior deorsum premeretur a tenui parte humoris vitrei, quae per pupillam prolapsa & per imam vulnusculi partem e cornea propendens iridem ita deprimebat, vt in plicam quasi in ima sui parte conuoluta non quidem e cornea promineret, infimo tamen vulnusculi loco depacta esset. Cum eo in loco vulnusculi, cui iris & pars humoris vitrei inserta erat, labia a se inuicem semota essent, in paruum tumorem elata erat cornea, in ceteris tamen punctis bene coalitum erat vulnusculum. Pars humoris vitrei e cornea propendens albida erat, & vulnusculo corneae quasi ligatura constricta & emortua, vnde leui negotio separaui. Iam vero iridem vulnere depactam cauta manu repellere in oculum annitens sensi, illam iusto duriores ita vulnusculo accretam esse, vt repelli non posset, & itaque tota cornea clausa humore aqueo intumesceret. Cum itaque praeternaturalis illa pupillae figura, si leuem deformitatem excipis, nil incommodi crearet, nec visui obesset, auxilio opus non esse putavi. Rerum omnium tam bene hucusque gestarum subito mutata facies est die 4 Novembris, nocte enim antecedente febre & dolore oculorum valde excruciatu aeger somno penitus caruit; obsiluerunt quidem haec symptomata interdiu, ast recruderunt versus noctem cum maiori vehementia, oculorum insigni inflammatione, appetitu prostrato, & sapore oris amaro nauseoso. Mira haec symptomata terrori vehementi, quo aeger incendio in vrbe oborto percussus fuit, tribuenda post largum spiritus vitrioli vsum evanuerunt ita, vt die 7 Novembris sale anglicano purgatus aeger sequenti die abitum pararit. Bene vidit utroque oculo, clarius tamen sinistro quam dextro. Dimissi igitur pauperculum, cui longior mora molesta erat, dato tamen consilio, vt ad oculos lucis valde adhuc impatientes sensim & caute lucem admitteret. Ipso die, quo haec scribo, & quarto itaque post operationem mense, ad me venit aeger, laetus de egregio, quo iam fruitur, oculorum usu. Bene ille videt omnia, quae non nimis distant, vt etiam libros literis maioribus impressos legere possit, & quod mirum est, sinistri oculi pupilla adeo ad pristinam figuram naturalem rediit,

vt iam parum vel nihil vitiosi in illa appareat. Obscure videt remota obiecta.

Infandus inter vtrumque oculum consensus est, quo fit, vt quum vnum oculum adficit morbus, plerumque etiam ad alterum sensum transéat, vnde plerumque obseruamus, cataractam vtrumque oculum occupare, eosque, quibus vno oculo occaecato alterius oculi vsus superest, iure metvere, ne etiam hic pereat, quod quidem aliquando tarde fit, & in primo nostro aegro post nouem annos, in altero post tres factum est. Non equidem cum *Cl. Heuermann* c) puto huius rei causam esse, quod vno oculo obfusato, alter integer superficies, dum solus videt, fortiori irritatione & frequentiori visu debilitatus sensum obscuretur, cum nec plus videat post iacturam prioris quam ante, nec plus lucis admittat, & consensus ille in aliis oculorum morbis obseruetur, vbi rationi huic locus esse non potest. Rarum enim non est vno oculo inflammato alterum etiam dolore corripipi. Puellam noui, cuius sinistri oculi corneae partem inferiorem macula obfuscauit alba opaca, altero oculo integerrimo vsa est, donec, post decem annos in hoc etiam macula colore & figura priori simillima in eodem accurate corneae loco orta sit. Plerumque obseruabis cataractam primum in vno tantum oculo oriri & saepe post illatam iniuriam vel alias causas medico obuias, cum illa, quae post aliquot tempus alterum oculum afficit, sponte & sine vlla apparente causa, immo forsan sub visu remediorum, quibus ortum illius cauere studemus, oriatur, ita vt forsan illum consensum seu praesentiam prioris cataractae pro sola posterioris cataractae causa habeas. An non igitur praecaueri posterioris cataractae ortus posset si prior tempestiua operatione extrahitur? Legem condiderunt Chirurghi, quae vetat instituere operationem, nisi vterque oculus cataracta laboret, quia oculus, in quo sectio peracta est, non respondet sano eadem visus facultate, vnde post operationem confusus aegri visus oritur. Vim huius legis annon infringere videntur, quae diximus?

Patet ex nostris obseruationibus aetatem cataractae ad illius maturitatem

c) vid. illius *Bemerkungen* I Band p. 265.



tatem nil adferre, & falli eos, qui putant cataractae duritiem cum illius aetate increfcere, mollior enim fuit cataracta decem annorum quam illa quae vnus tantum anni erat. Immo, quod dolendum est, ne color quidem cataractae semper credendum est, cum prior colore margaritarum praedita, qui maturitatem prodere putatur, nihilominus tam mollis fuerit vt per pupillam transiens figuram mutarit, & in vitro, cui immisi, in frustula dilaberetur, altera vero lacteum colorem, immaturitatis signum, prae se ferens, adeo priorem duritie superaret, vt nec per pupillam transiens, nec digitis ruditer contrectata figuram mutaret. En! quantis incommodis, quantis difficultatibus illi obnoxii sunt, qui cataractas deprimunt, & saepe illas, quas optimis maturitatis signis praeditas esse putant, molles reperiunt & ad depressionem ineptas, aliasque, quae deprimi possent, non deprimunt lacteum illarum colorem metuentes. Spernunt has difficultates, qui extrahunt cataractas. Obseruatu dignum esse videtur, omnes, quas extraxi, caractas molles quidem fuisse, in medio tamen nucleum habuisse coloris obscurioris & duritiei insignioris, id quod etiam *Cl. Heuermannus* obseruauit, d) vt parum absit, quin puteim opacitatem & indurationem lentis crystallinae in centro illius incipere. Notandum adhuc est lentem crystallinam opacam aliquando mucro albido obduci, qui extracta lente in capsula illius remanens lucem adhuc intercipit, quod quidem in tertia nostra operatione accidit, alia tamen etiam occasione aliquoties obseruauimus, vbi lente integra & immutata figura elapsa remansit opacitas, frustulis, in quae aliquando dilabitur, lentis remanentibus non tribuenda. Nequeunt, qui deprimunt cataractam, tollere hunc mucum, qui post extractam cataractam cochleari *Dauichis* tolli potest facili negotio, quod tamen, ne aliquid dissimulemus, molestia & difficultate non caret, cum iterata instrumenti, inter varias, vt saepe fit, oculi agitationes, introductio oculum facile laedat & operationem protrahat. Apparet etiam inde, cur, quamuis immatura aeque ac matura cataracta extrahi possit, faciliiori plerumque negotio matura extrahatur, quam immatura, quae frustatim saepe prodians iteratam instrumentorum introductionem requirit.

Pluri-

d) l. c. p. 265.



Plurimum ad felicem operationis successum affert commodus aegri situs, qui talis esse debet, ut lux oblique in oculum incidat, resplendescente enim, quod semper fit si alius aegri situs est, oculo difficillime Chirurgus cognoscit, an pura sit pupilla nec ne, unde factum est, ut in dextro secundi aegri oculo nubeculosi aliquid, quamvis summa cura oculum inspicerem, remanens visum obscuraret. Eandem etiam ob causam non cognoui sub operatione maculam illam centro pupillae oppositam post primam operationem superstitem, quae opportuno tempore cognita tolli forsitan potuisset, iucundum tamen nobis, imprimis cum visum non nisi summe constricta iride interciperet, spectaculum illa praebuit, cum bene explicaret causam, cur reperiantur, qui interdum caeci, noctu vel in locis tenebrosos bene videant. Cum neque extensis neque eleuatis brachiis tuto secatur, caput aegri proxime pectus Chirurgi esse debet. Operatio peragatur in loco lucido, ut videat Chirurgus, quid scindat, & pupilla constricta lentis crystallinae & humoris vitrei intempestiuum prolapsum impediat; peracta vero corneae & capsulae lentis sectione fenestram cortina tegas, ut dilatata pupilla facilius praebet cataractae transitum, quia elapsa lucem iterum admittas, ut cognoscas an turbidi aliquid pone pupillam supersit.

Magni momenti res est figere sub operatione oculum, quod, qui negligit, nisi dexterrimus sit, tuto non secatur, non enim voluntariae oculi agitationes solummodo metuendae hic sunt, oculus enim mobilis non resistit cultello, sed cedit, sequitur illius motum, mouetur, quod, quia vim aliquam requirit tenacis corneae sectio, fere semper fit & magnam Chirurgus parit molestiam, quam optime praeuertit usus instrumenti *Bamarti* ad formam hastae constructi. Lenem quidem, dum coniunctivae oculi tunicae imprimatur, dolorem creat, tantum tamen abest, ut irritatio, quam parit, & leue, quod infligit, vulnusculum inflammationis periculum augeat, ut potius aliquando imminuat, accidit enim, ut post secundam & tertiam, quam descripsi, operationem ex vulnusculo instrumento hoc inflictio leuis oriretur haemorrhagia, totum angulum oculi internum sanguine tingens, cui imprimis tribuendum esse puto, quod nulla fere vtramque operationem secuta sit oculi inflammatio. Cauta tamen



manu & gossypio obuolutum oculo adinouendum est instrumentum, ne humorem vitreum exprimas, quod quidem metuendum non est; si remoues, simulatque cultellus e cornea emergit, instrumentum; unde magis forsan metuendum est, ne humorem aqueum ante finitam sectionem expellas. Monendum adhuc est instrumentum hoc oculo imponi debere non obliqua, vt aliqui suadent, sed perpendiculari directione, sic enim omnes oculi agitationes cohibet, cum contra, si ita applicatur, vt versus nasum inclinet illius manubrium, motum oculi versus angulum externum permittat.

Vt facile corneam penetret cultellus cuspis illius anceps ad duarum linearum longitudinem esse debet, non tamen ultra, ne e cornea emergens scindat superiorem palpebram, (quod facillime fit, si profunde latent in orbita oculi,) & difficultates creet, quas ipse expertus sum in tertia operatione. Nec oblique imponi oculo debet cultellus, ita enim difficulter aliquando in cameram anteriorem, facilius, vt mihi accidit, inter lamellas corneae penetrat; cuspis igitur cultelli immitatur oculo versus iridem directa, donec cameram anteriorem penetrant, vbi tunc subito manubrium retrorsum moueri debet, vt in transuersi pupillae diametri directione cultellus cameram oculi anteriorem transeat. Bene incidere potest capsula lentis crystallinae acu ancipiti, commoda enim, quae promittit, non habet *Kysitomus de la Faye*, qui nimis, dum applicatur, visum intercipit Chirurgus, vt oculum aegri inspicere nequeat, commodior tamen illius vsus erit si cultellus, qui in hoc instrumento latet, cum sua vaginula incuruatur. Difficiliter extrahitur cataracta illis, quibus oculi profunde in orbita latent, plus enim, dum applicantur, instrumenta oculum in orbitam retroprimunt, nec aperiri satis palpebrae possunt, unde cuspis cultelli, dum ex cornea emergit, facile angulum oculi internum vulnerat, & operationem turbat. Evitare quidem poterit haec incommoda dexteritas Chirurgi, dum simulatque exiit cultelli cuspis e cornea ad lineam vnam vel alteram, retrahit cultellum & sic duplici sectione corneam soluit, tunc vero alia incurrit pericula ab effluxu humoris aquei, qui tunc ante sectionem peractam contingit, oriunda. Optime itaque in his operationem per-

agi puto cultello cuius lamina pone cuspidem subito euadit latior, & quo itaque dimidiam corneam solues antequam illius cuspis. ultra 2 lineas e cornea exit. Hic tamen etiam insignem dexteritatem requiri, expertus sum in secundo aegro, cuius oculi profunde sub orbita latebant.

Iridem dissecta cornea prolabi, & inter corneae labia æris attactui expositam haerere posse sine dolore ullo & inflammatione secunda nostra docet observatio; quod contra *Cel. Günzium* monemus, qui e) in plus quam ducentis exemplis neque per sectam, aut laceratam, neque per exesam, ruptamque corneam vucam vnquam vere elapsam se vidisse fatetur, & putat prolabi illam & a cornea premi non posse sine summa inflammatione, temerarium vocat consilium eorum qui lino vincire illam vel cultro praecidere suadent. Raro quidem puto iridem procidere nisi simul prolabatur humoris vitrei pars, qua propellitur illa, protrahitur & deprimitur; humorem vitreum vero prolabi rarum non est. Breui tempore pars iridis prolapsa in nostro casu induruit, & suam, qua acute sentit, naturam, quam *Cel. Günzium* adeo extollit, exuit, ut dum stylo argenteo repellere illam in oculum anniterer, aeger ne leuissimum quidem doloris signum proderet, utque adeo prolapsam iridis partem in satis insignem tumorem aliquando incrementum, & tunc cultro vel ligatura commode tolli posse nullus dubitem. Eadem observatio probat mutata pupillae figuram, nisi nimis a naturali deflectat, adeo metuendam non esse, ut plerique putant, melius enim aeger vidit sinistro oculo, cuius mutata erat pupilla, quam dextro in quo nil vitii post operationem apparuit. Arduum negotium, quod quidem aliqui commendant, esse puto forfice praescindere prolapsam humoris vitrei partem, quod sine laesione iridis vel corneae peragi vix poterit; immo difficillime aliquando paruum humoris vitrei per pupillam prolapsam partem, pellucidam scilicet, Chirurgum cognoscere, ipsa mea me docuit experientia, qui eum, sub ipsa sine dubio operatione prolabentem, non nisi aliquot post operationem dies, cum vulnuscule corneae constrictus pallere inciperet, detegi. Ipsam tamen mutata pupillae figuram,

B 3

quam,

e) in Diss. de Staphylomate, Lips. 1748. hab. §. IV.



quam, dum per eam propellitur, necessario semper dilatat & distrahit, nisi certe semper prodatur huius humoris prolapsus, bene tamen Chirurgum ad attentiores oculi inspectionem inuitare puto. Optime faciunt, qui, simulatque propelli sentiunt humorem vitreum, claudunt subito, nisi id ipsum maior illius pars prolapsa impediatur, corneam & palpebras, & sic ulterius illius prolapsus cohibetur; ita enim, quae prodiit per pupillam & in camera anteriori haeret, vitrei humoris pars, coalito corneae vulnuscule, & regenerato humore aqueo reprimatur forsitan in cameram posteriorem, neque, etiamsi hoc non fiat, lucem intercipit.

Pauca adhuc addam de inflammatione oculi, quae hanc operationem sequitur, & quam male tanquam periculi plenam & grauem illos, qui egregiam hanc methodum carpunt, depingere, docent operationes nostrae, quarum primam leuior post tres hebdomades euanida, posteriores duas nulla omnino secuta est; tantum abest, ut imminuat methodi huius laudem subsequens inflammatio, ut potius augeat illam illius & doloris, quem vix sentire sub operatione plerique aegri fatentur, lenitas. Interim tamen constat, non magis ad felicem operationis successum requiri dexteritatem illam, qua peragitur operatio, quam cura, quae praecauet oculi inflammationem, quae, si grauis est, non raro visum restitutum penitus tollit, mitior etiam semper obscurat, ita ut, quo mitior secuta est inflammatio, eo clariori visu aegrum gaudere plerumque obserues. Non raro vero vidi, summa illa remedia, quorum virtuti praecauendi inflammationem plurimum plerumque tribuitur, venae sectionem nempe & purgantia, spem fallere, tanta saltem efficacia non pollere, quanta plerumque ab illis expectatur: bis enim institutam venae sectionem satis largam vehementissimam vidi oculi inflammationem sequi, cum in alio casu, ubi penitus ommissa erat venae sectio, nulla fere sequeretur, nec ratio in diuerso vtriusque aegri corporis habitu, quo non nimis differebant, quaerenda fuit. Plerumque oculi inflammationem antecedit febricula noctu inprimis aegrum exagitans, cui quidem mitiori vel vehementiori plerumque subsequens inflammatio respondet leuitate



tate vel vehementia, quae tertio plerumque die post febriculam oritur, ut dixeris forsan inflammationis causam febrem esse. Putavi igitur febrem hanc praeuerrere illiusque causam eruere debere, qui imminentem vult praecauere oculi inflammationem. Eadem vero post alias etiam operationes vel vulnera inflictu aliquando obseruantur. An igitur horum omnium causa in neruorum quadam singulari affectione latet, quam metus anxii de dubio operationis successu aegri, vel dolor, vel terror, quo dum vulneratur, percutitur aeger, parit? Singularis sane obseruatio est, difficilius purgari hos aegros, ita ut non raro remedii cuiusdam purgantis secundo post operationem die sumpta dosis effectum careat, quae ante operationem exhibita quater vel pluries aegrum purgauit. Spasmodicam aliquam tensionem hic suspiciens usum suasi clysmatum, balneorumque emollientium relaxantium, potuumque anodynorum, & tertio die, quo nempe sanguinis ad oculum decubitus plerumque fieri obseruaui, medicamentum lene purgans, quod tunc semper facile aluum mouit, exhibui, & egregium horum remediorum post secundam & tertiam operationem successum laetus vidi f). Oculus ante quartum post operationem diem,

f) Non solum post hanc, sed alias etiam inprimis grauiores operationes, vel etiam vulnera inflicta, plura symptomata neruis tribuenda, egregiumque ad ea arcenda usum esse relaxantium clysmatum, balneorum, fomentationum frequens experientia docet. Vidi *Cel. le Cat* post operationem, qua calculus e vesica extrahitur, aegros semicupio immittere, & constanti operationum suorum successu frui. *Cel. Moreau* peritissimus Nosocomii Parisiensis, quod Hotel de Dieu appellatur, Chirurgus primarius, aegris, quibus secundum suam methodum calculos extrahit, statim post operationem totum abdomen blandis emollientibus oleosis fouet, & paucissimos operatione perire experitur. In vulneribus sclopeto inflictis, quae neruos totius corporis ingenti commotione & terrore quo aeger, dum vulneratur, percutitur, pessime adficiunt, emollientissimis obuolui partem vulneratam, immo aquae tepidae inmitti, pedes totumque abdomen semicupio immergi *Boucher* iubet, horumque remediorum egregium & successu plenum usum obseruationibus probat in *Memoir. de l'Acad. Chirurg. de Paris T. V. p. 300.* Edit. in 8. Inter haec tamen negligenda venae sectio non est, quae, ubi requiritur, nunquam sine periculo omittitur. Monemus etiam primarum viarum ratio-



diem, nisi dolor vel alia symptomata vrgeant, aperiri non debet, cum oculus primis diebus lucis valde impatiens, luminis aerisque attactum sine imminenti inflammationis incremento periculo non ferat. Neque male aegro consules, si apparatus, quo tegitur oculus, in loco non nimis lucido soluis, siquidem clausis etiam palpebris viuidam lucem oculis saepe molestant esse, experientia docet. Alia adhuc, praeter haec, incommoda parit intempestiva palpebrarum diductio, corneae enim vulnusculum, quod altero plerumque, certe tertio die, iam colitum reperitur, facile, dum palpebras diducis, diuellitur rursus, cum nouo humoris aquei effluxu, variisque inde oriundis difficultatibus. Idem saepe accidit, si nimis constringitur, quae deligatur oculus quarta die, fascia, quae corneam humore aqueo intumescens comprimunt, & humorem illum diducto corneae vulnusculo ex oculo expellit.

En! *Vir Illustris*, qualescunque laborum meorum successus, qui tamen, vt mihi ipsi arrideant, Tuo adhuc inprimis adplausu egent; tunc enim scopum, quo tendo, attigisse mihi videbor, si beneficia Tua, quibus innumeris me ornasti, Te non male in me collocasse putabis. Semper enim, cum non sit, qui plura maioraque Tibi debeat paternae voluntatis pignora, in eo allaborauim allaboraboque vt Tibi confirmem, Te benignissimum fuisse erga gratissimum. Non solum enim, primum in celebri hac musarum sede medicinae campum, Te duce ingressus sum, sed Tuis etiam inprimis beneficiis suffultus iter institui literarium ad externos, vbi horum quoque doctrina frui, illustriumque in arte medica virorum experientia

rationem semper habendam esse in oculorum inflammationibus, quae latentes ibidem sordes saepe causas agnoscunt. Inde in variis, inprimis post animi adfectum ortis ophthalmiis, & chronicis illis, quae animo commoto, saepe redeunt, vel si adsunt, augentur, spiritus vitrioli, vel aliquando potius vomitorii vsum egregium saepe reperi.



entia instrui licuit. Illa inprimis exoptatissima fuit occasio ea loca
adeundi, vbi confluit quasi omnium morborum, qui humanam natu-
ram affligunt, cohors, vbi versari frequenter inter lectulos aegro-
rum possunt, qui medicam artem colunt, vt cognoscant morbos eo-
rumque naturam, immo vt adfuescant aures miserorum eulatiis, vt
manus acquirat dexteritatem, animus intrepiditatem, quae quidem in
illis inprimis requiritur medicis, quibus non solum tuto ac iucunde
sanare morbos, sed armata etiam, si requiritur, faucisque manu sa-
ludem restituere miseris propositum est, & quam, qui hac occasione
carent, lenta plerumque experientia acquirunt. Quoties pectus Tui
amore impleuit haec meae, qua dum apud exteros essem frui licebat,
felicitatis consideratio, & Tuae inprimis, quibus saepe beneuolum
Tuum erga me animum declarabas, literae, quas tanquam testes pa-
terni Tui amoris seruo, ipsis tuis beneficiis, quae plerumque comi-
tabantur, cariores. Tacere tamen iuuat, nec plura repetere Tibi
cui displicet grata illa verbositas, magis placent tacita grati pectoris
vota. Aliud iam incumbit officium erga Te, qui hodie diem nata-
lem septuagesimum quintum rara quidem ast docto & inprimis medi-
co digna felicitate celebras. Merito igitur omnium quos vel reueren-
tiae erga merita virtutesque Tuas, vel amoris erga praeceptorem suum,
vel etiam beneficiorum tibi obstringit vinculum, laetitia & piis votis
feruent pectora, & ego inprimis persuador, quem triplici hoc vin-
culo Tibi obstrinxisti. Hunc igitur laeti gratique pectoris sensum
publice Tibi declarandi arripio occasionem, & oro Deum, vt diu
saluum incolumemque Te seruet, optoque vt splendidum, quem ab
Academia condita tenes, locum diu adhuc virtutibus Tuis & prae-
clara doctrina, ornes, vt honoribus, virtutum meritumque prae-
miis.



niis, omniumque amore, imprimis vero blandō illo coniugalis amoris, quo nouo foedere inito iam frueris, fotu, fenectutis molestias, quibus raro penitus illa caret, lenituro, diu adhuc, & ad senilem vsque vitae satietatem fruaris. Vale, *Vir Illustris*, & faue

NOMINIS TVI ILLVSTRIS

Cultori observantissimo

AVGVSTO GOTTLIEB RICHTER.